

Yougyangh Gih Haiguh Niemhsawq Naengzlig Gangj Vahcuengh Fazgvanh

Ciuq Swcigih Gauhyen、Swcigih Minzcunghvej caeuq Baksak Si Cunghyen、Baksak Si Minzcunghvej mizgven vwnzgen iugouz, haeujlaeg doeksaed 《Aen Diuzlaeh Hong Saw Vah Minzcuz Vunznoix Gvangjsih Bouxcuengh Swcigih》, ndwen 10 ngoenz 17 banhaet, Baksak Si Yougyangh Gih Yinzminz Fazyen haiguh niemhsawq naengzlig fazgvanh gangj Vahcuengh.

Niemhsawq hozdung youq Baksak Si Yougyangh Gih Yinzminz Fazyen guh. Baksak Si Cungaep Yinzminz Fazyen、Yougyangh Gih Minzcunghgiz mizgven lingjdauj daengz dieg sonyinx guh hong niemhsawq, 5 boux fazgvanh aen yen neix camgya niemhsawq, niemhsawq neiyungz caeuq fuengfap yiemzgek ciuq 《Banhfap Bingzdingh Fazgvanh Cuengh Gun Song Vah》 gvidingh guh, 5 boux fazgvanh camgya niemhsawq cungj doenggvaq liux. Doenggvaq baez hong niemhsawq fazgvanh gangj song cungj vah, caenh' itbough gyagiengz le dangdieg hwnjguh aen doih fazgvanh Cuengh Gun song vah dangdieg, vih ciuq fap baujcanh gij gienzieh lwgminz minzcuz vunznoix yungh saw vah minzcuz bonjfaenh dajgauq dwk roengz giekdae maenhsaed, doengzseiz hix vih vunzlai Mbanjcuengh gunghawj swhfaz fuzvu engq ndei engq fuengbienh.

(Luz Yuzangh/陆如刚)



▲Niemhsawq naengzlig gangj Vahcuengh fazgvanh.



▲Raed ndaej riengzhaeux rap dauq ranz.

Yungzsuij: Doxdax Raed Haeux Yiengjsouh Fungsou

Ndwen 10 ngoenz 20, Yungzsuij Myauzcuz Swciyen Anhdai Yangh Mbanjyenzbauj Mbanjmyauz guh hozdung “doxdax raed riengzhaeux”. 150 lai boux mehmbwk Myauzcuz bae dieggoek ndaem haeuxcid ndaem, camgya raed riengzhaeux、haed riengzhaeux、rap riengzhaeux daengj doxdax caeuq youq henz naz ringbya daengj hozdung, angqyangz yiengjsouh fungsou.

Ciuq cam rox, haeuxcid ndaem youq Yungzsuij dajndaem lizsij gaenq miz bak bi. Seizneix, aen yienh neix yungh gij vunqsik “dangciehbu + gihti + nungzhoh (ranzgungzhoh)”, sonyinx vunzmbanj youq Liengzcai、Anhdai、Sanhfangz、Gungjdung daengj diegbya sang diegnit dajndaem, moux sou ndaej 300 lai goenggaen, dan loh neix moux laisou 3000 lai maenz, rengzrwd coicaenh bouxguhnaz laisou baenz miz, baenz “haeux baenz miz” vunzguhnaz diegbya.

(Lungz Linzci/龙林智)

Lungzswng: Bae Mbanj Yienjheiq Leih Lwgminz

Ndwen 10 ngoenz 18 banhaemh, “hwnjguh aen Gvangjsih gyaeunde saed-yienh aen loqsiengj fuk-hwng” —— heiq ndei Gvangjsih bae mbanj yienjok leih lwgminz youz Swcigih Dangveij Senh-conzbu cawjbanh haenx bae daengz Lungzswng Gak Cuz Swciyen. Gyoengq bouxyienj yungh gij yiengh foux ndei yawj、gij singgo ndeidingq gonqlaeng yienj 《Gvangjsih Ndei Lai Lo》、diuqfoux 《Go Mbin Ndaw Byadah》、siujbinj 《Laex》 daengj cezmuz ndei yawj, langhbaej gij yienghsiengq Gvangjsih gak cuz lwgminz gaenxguh baenaj、ndwenngoenz huzndei vuenyungz hawj bouxyawj. Yienjok yienhciengz sing dopfwngz、sing hemqheuh mbouj dingz mbouj duenh, bouxyawj ndaej yawj ciengz heiq ndei yawj ndeu.



▲Bouxyienj youq gwnz daiz ciengqgo.

(Banh Cisiengz/潘志祥)

Mbanjmyauz Guh Vat Maenz Hozdung Yienj Ndwenngoenz Vandiemz



▲Vunzlai aeu lwgmaenz bonjfaenh vat ndaej haenx daej doxbeij aen hung.

nde u caeuq gij banh fap youqgaen daezsang mingzdaeuz “lwgmaenz byasang Gveihmeij”. Linghvaih, lij doenggvaq aen danhvei bangfuz, aen giyez lingxdaeuz bang gai、baij gai senhconz doigvangq, hawj “lwgmaenz byasang Gveihmeij” baenz canjnieb cujdauj ndawde cungj ndeu hawj vunzlai gungzhoh dangdieg vut gungz.

Ndwen 10 ngoenz 19, cingqdwg ciet lwgmaenz Sanhgyangh Duncuz Swciyen Dunczloz Myauzcuz Yangh bi gvaq baez haenx. Ngoenzhaenx, Gveihmeij Cunh banh mehmbwk doxbeij vat lwgmaenz、lwgmaenz beij aen hung、yienjheiq daengj hozdung, hozdung yienhciengz miz haujlai vunz mbanj henzgyawj daej yawj, nauhyied dangqmaz.

Geij bi neix daej, Gveihmeij Cunh yungh seizgei ciet lwgmaenz, haiguh mehmbwk doxdax vat lwgmaenz、lwgmaenz beij aen hung、baij gai lwgmaenz daengj hozdung, baenz diuz roen gyalai gai lwgmaenz

(Lanz Cwzbingh/兰泽兵)